



Här Fernand Etgen

President vun der Chamber

Lëtzebuerg, den 19. Mee 2022

Här President,

Wéi et den Artikel 80 vum Chambersreglement virgesäit, géing ech lech bieden, dës parlamentaresch Fro un den Här Educatiounsminister weiderzeleeden.

Mengen Informatiounen no, ginn et hei zu Lëtzebuerg Fäll, wou Kanner déi eng Glutenintoleranz hunn an deemno extrem ageschränkt sinn an deem wat se iessen dierfen, kee glutefrät lessen an der Maison Relais kruten a vum Personal gerode kruten hiert eegent lesse vun Doheem matzebréngen.

An deem Kontext géing ech gär folgend Froen un den Här Educatiounsminister stellen:

- Kann den Här Minister confirméieren, dass net all Maisons Relais glutefrät Platen ubidden an dass d'Personal den Elteren an dem Fall réit, dem Kand säin eegent lesse matzeginn?
- Ganz generell, wei geet en an de Maisons Relais fir, wann e Kand duerch Intoleranzen oder Allergië staark ageschränkt ass an dem wat et iessen dierf?
- Wat gedenkt den Här Minister ze ënnerhuele fir ze garantéieren, dass all Kand mat enger Glutenintoleranz oder enger aner Allergie oder Intoleranz en deementspreechend lessen an de Maisons Relais offréiert kritt?
- Wëssend, dass d'lessen an de Maisons Relais oft am Virus bezuelt gëtt, kritt en d'lessen rembourséiert am Fall wou d'Elteren dem Rot vum Personal follegen an hirem Kand säin eegent lessen mat an d'Kantin ginn?
- Vu, dass den Här Educatiounsminister virhuet, d'lessen an de Schoule gratis unzebidden, wat gesäit den Här Minister fir Schüler déi un Intoleranz oder Allergie leiden an hiert eegent lesse mussen matzebréngen vir?

Här President, ech bieden lech mäin déifste Respekt unzehuelen.

Nancy Arendt épouse Kemp

Deputéiert



Äntwert vum Minister fir Educatioun, Kanner a Jugend, Claude Meisch, op d'parlamentaresch Fro Nr. 6230 vun der honorabeler Deputéierte Nancy Arendt

Ad 1)

Den Educatiounsministère ass net informéiert iwwer Fäll, wou e Kand e glutefräie Regime refuséiert kritt huet.

An dësem Kontext ass et wichteg ze präziséieren, datt d'Maison relaise vun externe Bedreiwler geréiert ginn. Dës si responsabel fir d'Organisatioun vun den obligatoresche Prestatiounen, dorënner och d'Ubidde vun engem équilibréierten an un d'Besoine vum Kand ugepasstent lessen.

Ad 2)

Fir d'Träger an dësem Beräich ze ënnerstëtzen, sinn d'lescht Joer - an enker Zesummenaarbecht mat der Sécurité alimentaire a mat der Fédération des acteurs du secteur social (FEDAS) - Richtlinne fir déi praktesch Ëmsetzung am *Guide de bonnes pratiques d'hygiène pour la gestion des allergies alimentaires dans les SEA* festgehale ginn. Dës si bindend fir all Service d'éducation et d'accueil (SEA). Sou muss zousätzlech eng obligatoresch Weiterbildung gemaach ginn, wann e Kand mat Allergien an engem SEA betreit gëtt.

An dësem Fall ass eng gutt Kommunikatioun tëscht Elteren a Bedreiwler essentiell fir gemeinsam Léisungen am Sënn vum Kand ze fannen. D'Eltere müssen dem SEA matdeelen, wann hiert Kand eng Intoleranz oder eng Allergie huet. An deem Fall froe si e Certificat médical bei hirem Dokter, oder froe mat him, wann néideg, e Projet d'accueil individualisé (PAI) un. De Certificat médical an de PAI si feste Bestanddeel vum Dossier vum Kand, an de Bedreiwler vum SEA muss deem Rechnung droen. Bei engem PAI huet d'Personal d'Méiglechkeet, speziell geschoult ze ginn. Wat d'lesssituatioun ubelaangt, muss de Bedreiwler derfir suergen, datt d'Kand an aller Sécherheet kann am SEA iessen an opgeholl ginn.

Bei ganz staark ausgeprägten Allergië mat Gefor vun engem anaphylaktesche Schock ass besonnesch Virsicht gebueden. Hei kann et aus Sécherheetsgrënn virkommen, datt de Bedreiwler vum SEA net an der Lag ass, eng Molzecht déi op der Plaz gekacht gëtt ze servéieren. An deem Fall kënnen d'Elteren d'lesse selwer liwweren oder de Bedreiwler muss en industriellen allergenfräie Plat bestellen.

Ad 3)

Den uewe genannte Guide ass ausgeschafft ginn, fir d'Träger an der praktescher Ëmsetzung ze ënnerstëtzen.

De Bedreiwler muss am Fall vun enger "éviction stricte" vun engem Liewensmëttelgrupp fir en Allergiker garantéieren, datt d'Kand net a Kontakt mam Allergen kënnt, och net duerch Spuere vum Allergen, déi an der Kichen op de Plat vum Allergiker kënnen iwwerdroe ginn. Ob e Kand Spuere vum Allergen verdréit, entscheet eleng den Allergolog. An dësem spezifesche Fall, wou de Bedreiwler den néidege Kader net garantéiere kann, gëtt no Ofsprooch mat den Elteren eng Alternativ gesicht. Hei kann de Bedreiwler op en industriell allergenfräit lessen zeréckgräifen oder hie biet d'Elteren, en lesskuerf matzeginn. Detailer sinn am Guide opgelëscht.

Ad 4)

D'Ofrechnung vun der Prestatioun a vum lesse gëtt ëmmer nodréiglech ausgestallt a bezuelt. De Gestionnaire huet esou d'Méiglechkeet, déi reell Unzuel vun lessen an de System anzeginn an ze verrechnen.

Ad 5)

D'Gratuitéit vum Mëttegiessen an der Maison relais ass ee politesche Programm a reegelt keng individuell Situatiounen, wei zum Beispill Problemer vun Intoleranzen, Allergien asw. Wat d'Organisatioun vun der Prestatioun ubelaangt, hu mir hei, wéi scho betount, mat externe Bedreiwer ze dinn, déi dofir zoustänneg sinn.

Lëtzebuerg, den 24. Juni 2022

De Minister fir Educatioun,
Kanner a Jugend

(s.) Claude MEISCH